

**Fiscal a exigí 5
 aña di prison pa
 homber cu a tira
 otro den cara**

**Un fayó a pone
 cu autoridad a
 detene grupo
 di persona na
 airport**

tur a wordo laga den libertad



**MINISTER ENDY CROES
 A ATENDE RECEPCION
 DI DESPEDIDA PA
 GOBERNADOR HOLIDAY
 DI SINT MAARTEN OFRECI
 PA GOBERNADOR DI
 ARUBA, SR. ALFONSO
 BOEKHOUDT.**



**Vision di MEP si ta realisabel
 y na bienestar di nos pueblo
 MIKE EMAN POR A
 SACA POTRET SO CU
 MOLINA DI BIEN TO
 MEP a trece Vaderpiet y lo trece
 Rincon**



Parlamentario Shailiny Tromp-Lee (MEP): Cu palabra di elogio pa AVB cu nan Award Night y felicitacion na tur nominado, ganador y clubnan cu a haya un homenahe

Figur p'ami tabata un honor di por a forma parti di e Award Night di AVB cu a tuma lugar diabierna ultimo na Cas di Cultura. Un anochi di gala caminda e for di e caranan di e nominadonan bo sa cu nan ta sinti nan mes orguyoso. Un anochi hopi bunita. Durante e Award Night Arubaanse Voetbal Bond a reconoce e hungadonan for di categoria U-9 Plata te cu Division Honor. Tambe a reconoce coach y refereenan cu mas a destaca den e Campeonato 2021-2022.

A tocami e honor di, hunto cu presidente di AVB, duna homenahe special na 4 Club Miembro cu a cumpli 75 aña of mas. E 4 Clubnan aki ta S.V. Racing Club Aruba, S.V. La Fama, S.V. Bubali y S.V. Dakota. Un pabien na cada un di nan. Tambe mi a hiba palabra caminda mi a felicita AVB cu nan celebracion di 90 aña y a elogia nan cu e anochi bunita y importante aki. Mas cu claro a felicita tambe tur nominado, ganador, club y tur esnan cu a ricibi un reconocimiento. Mi a tuma tempo special pa gradici tur boluntarionan cu ta traha pa AVB of pa e clubnan deportivo cu ta inverti nan tempo personal y familiar den trabounan boluntario asina importante pa cu desaroyo deportivo di nos mucha y hobennan. Un trabou valioso cu mester keda reconoci y aplaudi.

Durante mi speech mi a subraya, manera semper, e importancia di formacion deportivo como parti di e formacion total di un ser humano. Mediante deporte nos ta logra inculca y desaroya aspectonan asina importante pa un ser humano por ta exitoso den bida y por bira un futuro lider. Un aspecto cu a impreciona mi e anochi aki ta e documentacion cu AVB ta bezig cu ne di nan federacion. E historia di AVB, di nan lider y boluntarionan, di nan hungadornan. Mi ta sigur cu esaki lo ta di un balor imenso pa loke ta trata nos herencia deportivo. Mas y mas nos mester incentiva e parti di documentacion di nos



historia. Asina nos por logra salvaguardia nos herencia pa future generacionnan.

Mi ta termina felicitando AVB cu un anochi bon hinca den otro y cu a cana hopi bon mes. Pabien na full e comision organizado. Mi ta

spera di curason cu nan ta sigui cu e Award Night tur aña.

MINISTER ENDY CROES A ATENDE RECEPCION DI DESPEDIDA DI SR. ERWIN ARKENBOUT.



ORANJESTAD: Recientemente den un encuentro social a tuma despedida oficial di sr. Erwin Arkenbout, representante di Hulanda na Curaçao. Esaki a tuma luga na Quinta del Carmen y a conta cu presencia di Su Excelencia Gobernador di Aruba Alfonso Boekhoudt, Prome Minister y demas colega Minister, miembronan di Parlamento di Aruba como tambe representantenan di sectornan comercial y semi publico. Den su discurso sr. Arkenbout a duna palabra di elogio pa Prome Minister y Gabinete Wever-Croes cu apesar di temponan dificil a sa di nabega e barco Aruba y di semper tin un linea di comunicacion habri cu Hulanda. Tabata un bon oportunidad di intercambia di ideanan cu representantenan di varios gremio. Minister Endy Croes ta gradici sr. Arkenbout pa su trabou cu e la eherce alabes ta dese tur clase di exito den futuro.



PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

EXECUTORIALE OPENBARE VERKOOP

Op **vrijdag 30 september 2022** des namiddags om 14.00 uur, zal in de vergaderzaal van de "Aruba Surfside Marina", L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- een perceel eigendomsgrond groot eenhonderd twee en veertig vierkante meter (**142 m2**), gelegen aan de Weststraat, kadastraal bekend als Land Aruba **Eerste Afdeling Sectie A nummer 396**;
- een perceel eigendomsgrond groot vijf en negentig vierkante meter (**95 m2**), gelegen aan de Havenstraat, kadastraal bekend als Land Aruba **Eerste Afdeling Sectie A nummer 398**;
- een perceel eigendomsgrond groot negen en vijftig vierkante meter (**59 m2**), gelegen aan de Weststraat, kadastraal bekend als Land Aruba **Eerste Afdeling Sectie A nummer 579**;
- een perceel eigendomsgrond groot eenhonderd vijf en twintig vierkante meter (**125 m2**), gelegen aan de Weststraat, kadastraal bekend als Land Aruba **Eerste Afdeling Sectie A nummer 580**;
- een perceel eigendomsgrond groot eenhonderd acht en zeventig vierkante meter (**178 m2**), gelegen aan de Havenstraat, kadastraal bekend als Land Aruba **Eerste Afdeling Sectie A nummer 815**;
- het recht van erfpacht tot zes mei tweeduizend acht en vijftig op een perceel domeingrond groot driehonderd vier en vijftig vierkante meter (**354 m2**), gelegen aan de Havenstraat/Weststraat, kadastraal bekend als Land Aruba **Eerste Afdeling Sectie A nummer 581**;
- het recht van erfpacht tot zes mei tweeduizend acht en vijftig op een perceel domeingrond groot zes en veertig vierkante meter (**46 m2**), gelegen aan de Weststraat/Havenstraat, kadastraal bekend als Land Aruba **Eerste Afdeling Sectie A nummer 1040**;

met het daarop gebouwde winkelcentrum, plaatselijk bekend als **Havenstraat 36**.

Inzetprijs: Afl. 2.025.000,==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Tot en met 15 september 2022 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp
Santa Cruz 35
Tel: 5853500/5857900
Fax: 5854222
Email: veiling@notaristromp.com/auction@notaristromp.com



Minister Geoffrey Wever: Rebaho den prijs di Gasoline y Diesel

Durante conferencia di prensa diahuebs mainta Minister di Asuntonan Economico, Comunicacion y Desaroyo Sostenibel, mr. Geoffrey Wever a anuncia cu entrante 14 di september, Gasolin lo baha cu 25.2 cent (-8.6%), Diesel lo baha cu 8.5 cent (-3.1%), y Kerosin lo baha cu 9.7 cent (-3.8%).

Minister Wever mescos cu comunidad henter ta contento di mira e rebaho aki. Ya caba di luna pasa por a cuminsa mira e trend aki riba mercado internacional ora prijs pa bari di Diesel y Gasoline tambe a cuminsa baha. Minister Wever hunto cu Gobierno di Aruba ta spera cu e trend aki por continua, cual lo ta na beneficio di tur.

Mercado internacional a recupera for di e shock inicial di prijs causa pa e inicio di guerra na Ukraina, pero ainda ta ser afecta completamente pa desaroyonan internacional. Ta premira un stabilisacion pa awo, mientrastanto Gobierno di Aruba



lo sigui enfoca riba reduccion di dependencia internacional y desaroyo mas sostenibel posibel.

End of SUMMER SALE		STOREWIDE	
<ul style="list-style-type: none"> ~ Clothing for baby ~ Children's clothing (above awg. 10,-) 	50%	<ul style="list-style-type: none"> ~ Panja di baby ~ Panja di mucha (pariba di awg. 10,-) 	
<ul style="list-style-type: none"> ~ Clothing for men and women (above awg. 10,-) ~ All sandals & shoes (above awg. 10,-) ~ All Curtains ~ All comforters & blankets ~ Schoolbags 	40%	<ul style="list-style-type: none"> ~ Panja di homber y muhe (pariba di awg. 10,-) ~ Tur slof, sapatu y keds (pariba di awg. 10,-) ~ Tur cortina ~ Tur comforter y deken ~ Tas di skol 	
<ul style="list-style-type: none"> ~ All Houseware items ~ All Kitchen items ~ All Mats ~ All Towels & napkins ~ All Bedsheets ~ All Toys ~ All Jeans 	25%	<ul style="list-style-type: none"> ~ Tur Articulo di cas ~ Tur Articulo di cushina ~ Tur tapijt ~ Tur serbete y napkins ~ Tur panja di cama ~ Tur coi hunga ~ Tur Jeans 	
ADDRESS: OOSTSTRAAT #5, ORANJESTAD		FREE PARKING! PARKING GRATIS NET BANDA DI NOS NEGOSHI	
TEL: 5822818			

PREMIO EXCELENCIA DEN DEPORTE A RECONOCE SR. RICARDO 'CADO' KOCK COMO BALUARTE DEPORTIVO 2021

Un otro persona cu a ricibi e reconocimiento di Baluarte Deportivo ta Sr. Ricardo 'Cado' Kock cu sigur no ta desconoci den e mundo di drag race na Aruba. For di aña 1982 sr. Kock ta 'driver' di Big Joe Racing Team. E number di 'Big Joe' cu su 'driver' Ricardo 'Cado' Kock ta na honor di sr. Jose Maria 'Joe' Kock (Q.E.P.D.) cu ta hopi conoci den e mundo di drag na Aruba y Caribe. Tempo sr. Jose Maria tabata na bida, tur hende tabata yam'e 'Big Joe', pasobra e tabata un persona hopi grandi di estatura como tambe den su forma di ta. For di aki a nace e number di e racing team. Big Joe Racing Team su prome auto tabata un Chevy Nova cu a wordo cumpra 24 di februari 1982. E Chevy Nova a haya e number di 'Mr. Big Joe'.

E prome careda cu Big Joe Racing Team a participa aden tabata durante apertura di e Pista di Palo Marga na aña 1983 dia di aña di La Reina. Na aña 1985 'Mr Big Joe' cu su 'driver' Ricardo 'Cado' Kock a sa di saca cara di Aruba den grandi ora a konkista e titulo maximo di e prome careda internacional di 'Pan American Race of Champs' na Aruba. Por cierto e Chevy Nova aki ta activo te cu dia di awe y ta hopi popular y gusta cerca e gran fanaticada di drag race aki na Aruba. Na november 1989, e 'transmission' di e auto a explota y aki ta caminda cu Big Joe a keda for di careda pa un periodo di casi 1 aña. Big Joe racing team cu su 'driver' Cado Kock a sa di konkista varios titulo durante di tur su añanan di existencia y tur esaki danki na un grupo



grandi cu semper a para tras di e ekipo completo. Awendia Big Joe Racing Team ta un di e ekiponan

di mas grandi y admira di Aruba. Premio Excelencia den Deporte y Minister

Endy Croes ta felicita sr. Ricardo 'Cado' Kock cu reconocimiento Baluarte Deportivo 2021 danki pe

dedicacion amor y aporte den e deporte di drag racing.



Prome Minister Evelyn Wever-Croes:

Durante Workshop Corporate Governance, Prome Minister ta enfatisa: NOS NO POR RECUPERA NOS PAIS SIN INTEGRIDAD

“Gabinete Wever-Croes I a traha e fundeshi di integridad y nos ta atende cu nos companianan estatal na un forma debido”

ORANJESTAD – Diahuebs 1 di september, Prome Minister señora Evelyn Wever-Croes pa medio di un video, a haci apertura di e Workshop Corporate Governance cu a wordo organisa aki na Aruba na Hilton Aruba Caribbean Resort and Casino. Corporate Governance ta e reglanan cu ta rigi e relacion entre un gobierno y companianan estatal. E ta stipula con e supervicion mester tuma luga, unda e autoridad di un gobierno ta yega, kico bo por y kico bo no por dicide como gobierno.

Prome Minister a menciona tambe cu a traha riba diferente otro aspecto di Corporate Governance na Aruba den e ultimo añanan, por ehempel e perfil di kendenan por ta den e Hunta di Comisario, Huntanan di Supervision. Den cada hunta mester tin un persona huridico, financiero y un persona cu tin background di e materia. “Asina nos a bin ta trahando desde 2018-2019 poniendo e fundeshi pa mas integridad, pa miho gobernacion pa Corporate Governance tambe”.

Durante Gabinete Wever-Croes I, Prome Minister a institui un comision pa Corporate Governance cu a traha riba diferente producto den e temponan aki y a haci un estudio pa nos sa con nos ta para cu e companianan aki y con nan ta adhiri na e reglanan aki.

“Mi ta gradici señor Kunneman y tur e organisadonan di e workshop aki y pa e invitacion di por a dirigi mi mes. Integridad ta importante pa mi y mi por a splica den mi discurso kico tur nos ta haciendo desde 2018 cu mi a asumi e cartera di integridad y awor na 2021 cu mi a pase na colega señor Ursell Arends cu ta dunando contenido na e vision.

Mi a finalisa mi discurso awe cu un quote cu mi tabata referi na e pandemia cu awor cu Aruba ta recuperando di e pandemia, nos mester mas



aun traha riba integridad pasobra esaki ta duna e ciudadano confiansa den Gobierno cu nan ta administra un compania estatal na e forma debido”, Prome Minister a expresa.

E quote na Ingles cu Prome Minister a uza pa

ilustra su punto ta: “To think that we can rebuild after the pandemic without integrity would be fooling ourselves, because it is like building a house without a foundation”.

“Si nos ta kere cu nos por recupera nos pais despues di pandemia sin pone

atencion na integridad, nos no ta tumando nos mes na serio pasobra ta mescos bo ta traha un cas sin fundeshi. Esey integridad y Corporate Governance ta.

P’esey mi ta contento cu desde cu nos a drenta Gobierno, nos a traha riba e fundeshi di integridad

pasobra e ciudadano di pais Aruba merece di ta tranquil y cu e por tin e confiansa cu nos ta atende cu nos companianan estatal na un forma debido”, Prome Minister Evelyn Wever-Croes a enfatisa.





A pidi polis di trafico pa controla si chauffeur cu a ocasiona accidente tabata bao influencia, pero ela supla net bao di e limite



Diaranson atardi a drenta informe di un accidente unda posiblemente e chauffeur lo ta bao influencia, mesora a dirigi un patruya di trafico na e sitio.

Na yegad di e patruya a bin compronde cu e chauffeur di e auto blanco no a regula su velocidad ni a mantene distancia y a bay dal tras di e auto cora. Ademas polis a pone e chauffeur supla y esaki a supla net bao di e nivel pa ser deteni.

Afortunadamente ningun hende a resulta herida.



Bela sendi a pega full un trailer di palo na candela



Diabierna madruga a drenta informe di cu tin un cuarto na candela na Pos Abao, mesora a dirigi tanto polis como bombero na e sitio.

Na yegada di e patruya a bin nota cu aki ta trata di un trailer di palo unda un adicto ambulante ta biba y e tabata completamente na candela, polis a pidi pa bomberonan yega cu mas urgencia. Na yegada di bomberonan ya no por a logra scapa mucho mas di e trailer ya cu esaki a kima por completo.

Segun por a compronde lo a laga un bela sendi y esaki di un of otro forma a pega full e trailer na candela.



Bela sendi a pega full un trailer di palo na candela



Diabierna madruga a drenta informe di cu tin un cuarto na candela na Pos Abao, mesora a dirigi tanto polis como bombero na e sitio.

Na yegada di e patruya a bin nota cu aki ta trata di un trailer di palo unda un adicto ambulante ta biba y e tabata completamente na candela, polis a pidi pa bomberonan yega cu mas urgencia. Na yegada di bomberonan ya no por a logra scapa mucho mas di e trailer ya cu esaki a kima por completo.

Segun por a compronde lo a laga un bela sendi y esaki di un of otro forma a pega full e trailer na candela.





PRONOSTICO DI TEMPO

PRONOSTICO DI TEMPO VALIDO TE DIASABRA 03 DI SEPTEMBER 2022, 18:00 ORA

TEMPO:

AWE ANOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE NUBLA CU UN
AWACERO PASAJERO

TEMPERATURA MAXIMO 34 GRADO CELSIUS
TEMPERATURA MINIMO 28 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 36 PA 40 GRADO CELSIUS
UV INDEX: 12

BAHADA DI SOLO : 6:49 PM

SUBIDA DI SOLO : 6:29 AM.

BIENTO: MODERA FOR DI DIRECCION GENERALMENTE OOST;
FORSA 3 TE 4 (12 TE 30 KM/ORA, 7 TE 16 NUDO).
DEN DIA BASTA FUERTE TE POSIBLEMENTE FUERTE DEN RAFAGA;
FORSA 5 TE 6 (31 TE 50 KM/ORA, 17 TE 27 NUDO)

SITUACION GENERAL DI TEMPO PA PROXIMO 24 ORA:
E NIVELNAN DI HUMEDAD DEN ATMOSFERA REGIONAL TA
RELATIVAMENTE ABOU. PA E MOTIBO AKI APARTE DI UN
AWACERO PASAJERO DEN MARDUGA DI DIASABRA WEER LO
KEDA GENERALMENTE SECO.

CONDICIONAN MARITIMO/ ESTADO DI LAMA:

NA PARTINAN PROTEJE DI COSTA: LEVE

NA PARTINAN ZUID: TRANKIL TE MODERA

NA PARTINAN OOST TE NOORDWEST DI COSTA:

GENERALMENTE MODERA

AVISO/ ALERTA: NINGUN

FENOMENONAN SPECIAL:

NINGUN

TEMPO TROPICAL SIGNIFICANTE:

DANIELLE A SIGUI DESAROYA Y A BIRA E PROME HORCAN
DI TEMPORADA DI ATLANTICO. DANIELLE TABATA MOVE NA
1425 KM WEST DI AZOREN Y NO TA FORMA PELIGER PA

AREA DI CARIBE.

UN AREA DI PRECION ABOU DEN ATLANTICO CENTRAL TROPICAL,
OOST-NOORDOOST DI ISLANAN Ariba TIN UN CHANCE MEDIO
GRANDI DI SIGUI DESAROYA DEN PROXIMO 2 TE 5 DIA Y
BIRA UN CICLON TROPICAL. ESAKI MIENTRAS E TA MOVE
GENERALMENTE WEST-NOORDWEST DEN AWANAN DI
ATLANTICO CENTRAL TROPICAL.

POTENCIAL DI AWACERO PA PROXIMO 24 ORA:

1 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 33 / MIN 27 / 0.0 MM

WESTPUNT: MAX 33 / MIN 28 / 0.0 MM

STA ROSA: MAX 33 / MIN 28 / 0.0 MM

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO BREVE.

BIENTO LO TA FOR DI DIRECCION OOST I MODERA
TE BASTA FUERTE; FUERTE TE POSIBLEMENTE DURO DEN RAFAGA;
TEMPERATURA (GRADO CELSIUS) MAX / MIN LO TA: 34 / 28

S.V. Unistars ta organisa torneo 'Copa Roy Croes'

Diahuebs ultimo, e torneo Copa Roy Croes a cuminsa na Compleho Deportivo Yara. E torneo ta di diahuebs 1 di September pa 3 di September. A organisa e torneo aki na honor di e fundado, presidente, trainer, coach y tata di nos presidente actual di S.V. Unistars cu a fayece den luna di april ultimo, na e edad di 71 aña.

Señor Roy Croes ta hopi conoci den e bario di Pos Chikito y Savaneta. 34 aña pasa, el a funda S.V. Unistars pa asina tene e muchanan di bario for di caya. Su lema tabata tambe: "Un futbolista mas ta un delincuente menos". Desde e momento cu a funda S.V. Unistars di Pos Chikito, e ekipo di futbol a conoce diferente categoria di edad manera mini Baby, Baby, LIFIDA A y , Menor, Mayor, Division 2 y awendia Division Prome. Den e campeonato ultimo, Unistars a bira sub campeon den e prome division.

Den e torneo di Copa Roy Croes ta participa: La Fama (Division di Honor), Brazil Jrs (Division 1 y U13), Riverplate (U13), RCS (Division 1) y Unistars (Division 1 y U 13). Diasabra tin Campeonato di e gruponan infantil cu e final 6 or di atardi. E gran final di Copa Roy Croes lo tuma lugar 8 or di anochi.

S.V. Unistars kier gradici tur e sponsornan cu a hasi e torneo aki posibel: The The Shack Aruba, Asia Sranan Restaurant, Autoplus Auto Parts, SWC Waste Handling, Kings Car, Rey Hing food center, Dior Minimarket, Povi Tree y Clear kayak

Aruba.

S.V. Unistars ta invita henter pueblo di Aruba

y especialmente e bario di Pos Chikito, Sabana Basora y Savaneta pa

atende e torneo aki pa asina brinda un homenahe na un Buluarte

importante den e mundo di futbol na Aruba.

COPA ROY CROES
★ 2022 ★

S.V. UNISTARS

La Fama - Brazil Jrs. - Riverplate - RCS

DIAHUEBS SEPT 1 8:00 PM
La Fama VS RCS

DIABIerna SEPT 2 8:00 PM
Unistars vs Brazil Jrs.

DIASABRA SEPT 3 9:00 AM
★INFANTIL★
Unistars vs La Fama

DIASABRA SEPT 3 9:00 AM
★INFANTIL★
Riverplate vs Brazil Jrs.

FINAL INFANTIL
DIASABRA SEPT 3 6:00 PM
★INFANTIL★
..... VS

FINAL
DIASABRA SEPT 3 8:00 PM
..... VS

2022 SEPT 1-3

VELD DI YARA SAVANETA



E cuater miho shampooonan casero pa caba cu caspa

Cuanto hende ta sufri di caspa y no ta logra caba cun'e, apesar di a usa diferente producto! Na prome lugá, ta fundamental ta berigua ki tipo di caspa nos tin.

A partir di e momento ey, nos por usa un di e shampooonan natural cu nos ta usa. Descubri den e articulo aki e 5 miho shampooonan casero pa pone fin na caspa.

Na e mesun momento, nos ta logra haya un cabey bunita, fuerte y sano. Laga nos purba!



Ki tipo di caspa nos tin? Nos ta referi na e caspa ora cu nos ta observa puntonan chikito blanco den nos cuero di cabes. E por causa grawatashi of miho bisa, un aspecto sushi na nos cabey y ademas, nos ta supone un importante problema estetico.

Ta motibonan suficiente pa busc un solucion. No obstante, nos mester observa con pa berigua ki tipo di caspa e ta:

- Si e tin un aspecto seco por causapicamento. Ta puntonan blanco cu ta keda riba e kraag di nos paña, ta trata di un caspa door di descamacion. Nos cuero di cabes mester di hidratacion.

- Si e tin un aspecto vet y geel y ora nos mishi e cuero di cabes nos ta sinti e textura oleoso, ta trata di caspa door di dermatitis seborreica. Nos cuero di cabes mester di ekilibra e vet y combati e fungus caracteristico di e caspa.

Si e caspa ta algo puntual, nos mester descarta cu e tin algo di haber cu un shampoo nobo cu nos ta usa, algun deficit

nutricional of un labado escaso of excesivo di e cabey. E contamiacion di otro factornan ambiental tambe por influí.

Shampoo basico casero
Si nos kier un opcion natural pa combati e caspa, nos por opta pa un shampoo specifico liber di sulfato y parabeno. Tambe nos por añadi un azeta esencial na nos shampoo natural.

Nos ta recomenta realiza nos propio shampoo casero cu ingredientenan natural y añadi na nan despues algun di e azetanan esencial anticaspas cu nos propone segun nos tipo di cabey. A continuacion nos ta comparti e receta basico.

Ingrediente
Pa prepara e shampoo casero nos mester di e siguiente ingredientenan:

- 1/2 cup di gel di aloe vera (125ml)
- Un cup di glicerina likido natural (250ml)
- 1 cup di juice di lamunchi (15ml)
- 1/2 cuchara di azeta di coco (8ml)
- 15 gota di azeta



esencial anticaspas eligi.

Elaboracion
• Pa elabora e shampoo casero aki, solamente nos mester mescla tur e ingredientenan den un boter y sacudi'e bon. Semper nos mester bolbe sacudi'e prome cu use.

- Si e azeta di coco ta solido, nos por pone na baño di Maria te ora cu e dirti. E ora e lo ta cla pa mescla cu e resto di e

Jeep Wrangler a baha caminda dal riba auto saliendo for di cura na Paradera

A drenta informe di un accidente cu hende herida na Paradera, mesora a dirigi tanto polis como ambulans na e sitio. Na yegada di e patruxa a bin compronde cu aki ta trata di un accidente unda cu un Jeep Wrangler cu tabata

ingredientenan.

Ki azeta esencial mi ta añadi?

Tur azeta esencial cu nos propone a continuacion, ta yuda nos combati caspa. No obstante, cada un di nan ta aporta propiedadnan diferente cu nos mester eligi den funcion di nos tipo di cabey.

E azetanan esencial mester ta semper puro. Riba su label nos mester haya e nomber na Latin. En caso contrario, ta posibel cu e esencianan ta sintetico sin ningun propiedad pa elimina e caspa.

1. Tea tree
Tea tree ta un di e azetanan

mas popular pa combati tur tipo di infeccion. Den e caso di caspa, en especial si e ta vet, e sa ta relaciona cu un fungus. Pa e motibo aki, e ta un azeta hopi efectivo pa elimin'e.

Su holo ta un poco fuerte, pa cual nos ta recomenda meskl'e cu algun di e siguiente azetanan mas aromático. Nos mester evita su contacto directo cu e wowonan.

2. Menta

Menta ta ideal pa tur tipo di caspa, pero en especial pa esun cu ta caracteriza pa un exceso di vet. Ademas, e ta proporciona frescor y ta aliva e picamento.

E azeta aki tambe ta un bon remedi pa stimula e cuero di cabes y preveni caida.

Por lo tanto, por ta un shampoo hopi adecuado pa tur.

3. Lavander

E lavander ta e azeta esencial pa tur, danki na tur su multiple propiedadnan. E ta antiseptico y calmante y ademas e ta destaca pa su delicioso y relajante aroma. E ta ideal pa e caspa seco y vet.

Ademas, e azeta no solamente tin e virtudnan medicinal, sino cu tambe tin e capacidad di potencia e efecto di otro azeta. Pa e motibo aki, nos por combin'e cu cualkier di e otro azetanan cu nos propone.

4. Citrico

Tur e azetanan citrico (lamunchi, apelsina, grapefruit, mandarin, lima) ta yuda nos regula e vet, combati e caspa di tipo vet y aporta hopi briyo na nos cabey.

FORTALEZA PA FAMIA

Scirbi pa Pastor Marcel Balootje

TE KI DIA ABO LO SIGI BEBE?



Alcohol y Droga cu ta dos criminal den Famia cu tur dia ta wordo halsa, y promovi manera cuminda, ta un causante primordial di nos crisis social. Hende keto bay ta kere cu ta solamente Covid y falta di trabao ta hinca nos den crisis social. Nos ta duna Gloria na Dios na e momento cu nos por bin bek riba pia, y cu porta di trabao por habri bek riba nos isla, y cu negoshinan berdadero y limpi, integro lo wordo establesi, caminda

hende por sinti nan mes bon manera semper ora nan por menciona e compania, of negoshi cu nan ta traha pe.

Bebemento, no ta cos di awe, pero ora e sali for di man, e ta bira buracheria, y despues bo ta cay den alcoholismo, asina bira un persona cu no por sin alcohol, y cu ta bebe hasta na momento cu bo ta riba trabao.

Tin hende ta defende nan mes bisando cu ningun caminda den beibel, no ta

bisa pa no bebe, pero nos kier recorda tur hende, cu tur tipo di goloseria ta pica, pasobra si bo come hopi, sin control bo ta bira obeso, y obesidad ta trece malesa, y mesun cos si bo ta Bebe hopi, bo ta falta respet pa hende y hende lo falta respet pa bo, bo ta bira alcoholico, y alcoholismo ta produci hopi enfermedad.

Palabra di Dios no ta defende maldad y ta splica hopi cla cu buracheria no ta aceptabel, den bista di Dios, y tambe no bini cu e chiste acostumbra di e historia cu Hesus mesa parti biña na e casamento di Canaan, pasobra esey tabata biña no fermenta, pasobra ora bo primi druif pa traha biña mas tanto e para mas sterki e bira y bo no tin mester di pone ningun quimico den dje.

Mayoría bebida sterki awendia ta contene quimico, y ningun hende no por determina, cuanto

nan ta bebe prome cu nan bira burachi, tur cos ta depende di bo presion di sanger, di bo comemento, y tambe di bo Descanso, pero pa un hende cu ta stima su Famia nos ta desconseha bebemento totalmente, pasobra Alcohol ta caba cu Famia, y te awe tur hende cu a purba caba cu Alcohol, ta bao di tera.

Pa refresca memoria di esnan cu ta pretende cu e bandera di Alcohol, mester wordo hisa tur dia den nan bida, no ta importa na unda nan ta, sea nan ta riba trabao, y trabao di responsabilidad grandi, hefe di departamento, hende den funcion publico, hende cu merdia den nan break ta bay den nan auto bay dal dos bitter di whisky pa nan por sigi traha. Ata locual Beibel ta bisa lesa esaki pa bo mes :

Pa e hoben mucha homber/muher. Deuteronomio Capitulo 21; 20-21.

Pa tur hende grandi homber /muher cu ta pretende cu mester bebe, y cu ta destrui nan cas y nan famia, y caba cu nan propio integridad y pone nan salud na peliger.

Proverbio 20 ver 1. Proverbio 21:17. Proverbio 23:30-31 t/m 35.

Isaias Capitulo 5 vers 11-12.

Tito 1 vers 7. Tito 2 vers 3. Romanos 13 vers 13.

Y si te ainda bo tin defensa pa sigi bebe y sconde tras di cualquier fabula, of bisa cu orguyo ta mi placa, mi ta bebe cuanto cu mi kier, nos kier bisabo cu un hende cu ta bebe tur dia. ta den rebeldia contra Dios. Ta berdad cu Apostel Pablo a yega di bisa pa bebe un tiki biña pa bo stoma ora bo tin e problema ey, pero ningun caminda no ta para scirbi pa hala alcohol manera un tanker, manera alcohol ta bida, y asina perde control di bo actitud, y pone bo hogar y comunidad na peliger. Un persona cu di curazon kier sirbi Dios no ta bebe.

Alcohol ta pone cu bo no por rasona, ni serca hende ni tampoco serca Dios, Spirito Santo no ta presente caminda alcohol ta domina, no laga diabel gañabo, pidi Dios yuda bo pa asina kibra e vicio di alcohol for di riba bo bida, y no discuti, pero obedece e Palabra di Dios. Obedencia ta mihor cu sacrificio.

Consecuencianan di drumi cu lens den wowo

Yega cansa despues di tabata henter dia ariba abao y unico cos cu bo kier ta descancer. Pero bo ta lubida di kita bo lensnan. Kico ta pasa ora cu nos lubida di kita nos lensnan?

Según un estudio publica pa FDA, ora cu nos uza contact lens, ta necesario pa sigui, 'al pie de la letra' e cuidu cu e specialistanan

ta indica pa evita complicacionnan di salud.

Cuidu di contact lens:

- Aplica cu mannan limpi: ta hopi importante cu ora cu bo ta uza lens bo haci esaki cu bo mannan limpi. De lo contrario bo lo por contamina e lens.
- Preferiblemente uza e ringvinger ya cu esaki tin menos forsa



• Haci e lensnan limpi cu'n likido special, dependiendo si nan ta hard of soft-lens: Si nan no wordo haci limpi cu'n likido special, bo por dañe e lensnan. Kico ta pasa si mi drumi cu mi contactlens? En realidad ta depende di e oxigeno cu bo lensnan tin, entre mas oxigeno nan tin, miho. Si bo drumi cu contactlensnan, pa un lapso cortico di tempo, of pa un solo anochi eigenlijk e no lo mester trece mucho complicacion mas cu iritacion den wowo.

Pero si bo pasa e tempo, es decir, mas di un dia, e lo por provoca un infeccion ocular, por ehempel: conjuntivitis.

Sintomanan:



- wowo ta core awa
- wowonan ta bira cora
- kimamento di wowo
- stof den wowo
- vision wazig (den algun caso)

E uzo di contact lens ta cada biaha mas comun, ya cu e ta un alternativa

poco invasivo pa mehora e vision. Pero si nos no ta cuida e lens, esaki por ta contraproducente.

Expertonan ta recomenda pa semper saca e lens prome cu drumi. Miho preveni, cu lamenta.

Jeep Wrangler a baha caminda dal riba auto saliendo for di cura na Paradera

A drenta informe di un accidente cu hende herida na Paradera, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu un Jeep Wrangler cu tabata coriendo riba caminda a baha for di caminda y a bay dal riba un Toyota Yaris cu tabata saliendo for di cura di un cas. Debi na e impacto e chauffeur di e Yaris a resulta levemente herida. Na yegada di e ambulans nan a atende e victima.



patruya a bay Calabas pa un hende cu arma di candela



Diabierna madruga a drent informe di un accidente cu hende herida na Calabas, mesora a dirigi patruyanan na e sitio. Na yegada di e patruya a bin compronde cu aki ta trata di un accidente unda cu un Jeep Wrangler cu tabata coriendo riba caminda a baha for di caminda y a bay dal riba un Toyota Yaris cu tabata saliendo for di cura di un cas. Debi na e impacto e chauffeur di e Yaris a resulta levemente herida. Na yegada di e ambulans nan a atende e victima.

Parlamentario Shailiny Tromp-Lee (MEP):

Vision di energia di MEP ta uno realistico, efectivo y den pasado ya a demostra cu e ta existoso



Dialuna 29 di September 2022 Minister Glenbert Croes conhuntamente cu Utilities, WEB y ELMAR a anuncia inicio di e proceso pa yega na un parke nobo di molina di biento. E parke aki ta keda realisa den cuadro di e vision y maneho di energia di Gobierno di Aruba. Un vision cu por cierto ta keda carga pa tur stakeholders contrario na esun irealistico cu tanto show AVP a y ta haci cu ne. Meta di e proyecto aki ta pa sigui transforma Aruba su dependencia

riba crudo HFO y switch pa un energia duradero, sostenibel, limpi y principalmente pagabel pa nos pueblo.

Nos por premira cu e sector di energia ta bay yuda na e meta asina importante cu semper nos tabatin, esta diversificacion di nos economia. No solamente e sector di energia ta bay diversifica nos economia, pero tambe ta bay crea mas cupo di trabou y loke ta asina crucial pa nos na e momentonan aki, e ta bay crea mas progreso pa

nos pais. Den pasado na mas cu un ocasion mi a

vocifera mi opinion contra e plannan di AVP contra e parke di Molina na Urirama. Nunca mi tabata contra e parke riba su mes pero si contra e localidad di ehecucion presenta.

Mi ta sostene Minister Glenbert Croes su exprecion cu na e momentonan aki nos ta para dilanti desicionnan crucial cu mester wordo tuma, pa salba no solamente nos economia pero na mes momento nos mester percura pa tuma desicionnan necesario pa salba nos planeta. Mirando nos situacion actual despues di e pandemia y e impacto di e guerra, nos mester tuma desicionnan cu miras pa futuro y trata mas cu por na minimalisa nos grado di dependencia riba diferente tereno. Mas cu claro teniendo debido cuenta cu e efectonan devastador cu e cambio climatico tin den un cantidad di pais rond mundo cu ta influencia mundo y sigur anos como un isla chikito gravemente.

Segun IMF Aruba ta un di e paisnan cu mas a keda afecta economicamente debi cu ta solamente un pilar economico nos tin, cual ta turismo. Afortunadamente Gobierno di Aruba tin su plan nacional di energia cual ta inclui reduci

dependencia di HFO y expande nos capacidad pa produci mas usando e.o. mas energia limpi. E desaroyo aki sigur lo brinda oportunidad nobo na Aruba pa diversifica nos economia. Algo sumamente importante, necesario y di gran balor. Vision di energia di MEP ta uno realistico y efectivo y den pasado ya a demostra cu e ta existoso. Ya na aña 2008 Gobierno di MEP a dal e prome paso pa Aruba construi su prome Parke di Molina na Vader Piet. Na aña 2009 el a drenta den funcion produciendo 30 Megawatt di coriente cual ta bon pa 16 % di e total di capacidad di coriente cu Aruba tin mester.

Pa e siguiente añanan Utilities Aruba hunto cu WEB y ELMAR lo tin e tarea pa ehecuta e plan nacional di energia di Gobierno pa logra cu nos mes ta produci 45 pa 50 % di nos energia; cual lo ta limpi, renobabel y pagabel. Na mi opinion e meta na tur momento mester keda pa logra y mantene un prijs mas abou y stabiel pa nos hendenan teniendo na mes momento debido cuenta. cu nos economia, salud y nos planeta. Pesey e anuncio haci pa Gobierno dialuna ultimo ta uno grandi y balioso.

Tipline: 585 9500
e-mial: solodipueblo@gmail.com

Polis a detene dama bao influencia cu a bira rebelde ora cu a topa su ex den un bar na Kamay

A



drenta informe di un problema den un bar na Kamay, mesora a dirigi un patruya na e sitio. Na yegada di e patruya a bin

compronde cu aki ta trata di un dama cu tabata burachi y a bira fastioso y rebelde ora cu ela topa cu su ex den e bar y tabata blo busca problema. Na mul-

tiple bes polis a pidi pa e bay for di eynan pero e no tabata haci caso di polis ni hasta ora polis a dun'e ordo pa e bay. No a keda nada otro cu yama e vehi-

Polis a detene intruso na un cas na Wayaka



Diahuebs madruga a drenta informe di un intruso a drenta un cas y nan tin'e wanta, mesora a dirigi un patruya na e sitio. Na yegada di e patruya e habitantenan a entrega

e intruso na polis. Polis mesora a detene y a pidi e vehiculo di transporte pa asina transporta e sospechoso pa warda di polis unda cu eynan ela keda deteni.

Clasificados

AUTOS
 INMUEBLES
 ARTICULOS
 NEGOCIOS
 SERVICIOS
 EMPLEOS

SOLODIPUEBLO@GMAIL.COM

585 9500

www.SOLODIPUEBLO.com

Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999

Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia
Na Canal 22 1x prome cu Noticiero 22 Afi 400,00

**Pa mas informashon por tuma contacto cu oficina na
585-9500 of na 741-4554 puntra pa
Jamila Henriquez**

TA BUSKA URGENTE

Un apartament pa 1 persona
60+ den Sta Cruz. Por yama
5639911 puntra pa Lady

Dienst regeling Artsen pa pariba di brug

Dr.Boderie, E Dr.de Cuba, M Dr. Every, B Dr.Giel, D Dr.Linden v/d, J
Dr.Ramautar, K Dr.Vallejo, S Dr Vis, s Dr.Weaver, M Dr.Winterdal, N

MA DI WO DO 01 VIS VR 02 WEVER

MA 19 BODERIE DI 20 DE CUBA WO 21 EVERY DO 22 GIEL VR 23 LINDEN V/D

MA 05 WINTERDAL

DI 06 BODERIE WO 07 DE CUBA DO 08 EVERY VR 09 GIEL

MA 26 RAMAUTAR

DI 27 VALLEJO WO 28 VIS DO 29 WEVER VR 30 WINTERDAL

MA 12 LINDEN V/D DI 13 RAMAUTAR WO 14 VALLEJO DO 15 WEVER VR 16 WINTERDAL

WEEKENDIENST

03-04 SEPTEMBER 10 – 11 SEPTEMBER 17 – 18 SEPTEMBER 24 – 25 SEPTEMBER

RAMAUTAR VALLEJO WEVER WINTERDAL



Reclutando hungador!!!

Bo yiu of bo conoce un mucha cu tin interes den
sinja hunga baseball y tin entre 10 pa 12 anja?

Nos team ta buskando hungador!!

Training tur diamars y diahuebs
Veld Juventud Tanki Leendert

5:15pm - 7:00pm

Pa mas information por
comunica cu:
Coach Ramada na
593-4371

FORTALEZA PA FAMILIA

Scirbi pa Pastor Marcel Balootje.

TRAS DI E PALABRA PORDON, TIN UN MON- TON DI BENDICION

Dios tene misericordia, e mundo ta yena cu Odio, Vengansa, Rabia, Orguyo, Enemistad, y mas cu tur cos falta di pordon, cual ta separa hende for di otro y tambe ta dividi famia.



Falta di pordon ta asina obvio cu e no por wordo scondi mas, pasobra hasta den un speech y forma di expresa bo ta nota si un persona tin falta di pordon y amargura a ataca su curazon. (Marco 11 v 25)
Hopi tristo ta e falta di pordon cu ta existi entre mayor y yiu, pasobra un mucha mester di su mayornan pa un bon crecemento spiritual y social. (2 Corintionan 2 v 10-11)

Di otro banda nos ta mira cu dia pa dia hende ta papia malo di otro, acusa, insulta, bully, rebaha, y rechasa otro manera ta un celebracion, pasobra tin hende ta kere cu ora bo rebaha bo prohimo bo ta wordo premia como un bon persona. (Proverbionan 24 v 17)

Den Mateo capitulo 5 vers 22 Hesus ta bisa: Ken cu bisa "Bobo" lo ta culpabel pa bay den candela di fiero. Si nos wak bon awendia ofensa mas fuerte cu bobo ta cay contra otro, y hende no tin temor di Dios.

1 Juan capitulo 3 vers 14 ta bisa: Esun cu no ta stima ta permanece den morto, saca bo cuenta cuanto hende tin ta cana rond masha bunita, pero nan ta morto spiritual pasobra den nan curazon tin odio contra nan prohimo.

Dios ta wak e asunto hopi mas serio cu nos ta mire, pasobra Dios su palabra ta bisa cu sin paz y sin santidad ningun hende lo mira cara di Dios. (Hebreonan 12 vers 14). Asina ta cu nos relacion cu Dios no por ta bon

si tin falta di pordon den nos curazon.

1 Juan capitulo 3 vers 15 ta bisa: Ken cu ta odia su ruman ta un matado, y boso sa cu ningun matado no tin bida eterno ta permanece den dje.

Awor esaki ta hala nos atencion, pa cambia nos vocabulario y wak bon kico nos ta papia den cas, oficina, scol, etc y con nos ta expresa nos mes contra otro, pasobra sembrando odio bo ta aleha bo mes for di hende y for di Dios.

Efesios capitulo 4 vers 29 ta bisa: No laga ningun palabra dañino sali for di boso boca, sino solamente palabra cu ta bon pa edificacion, conforme e necesidad di e momento, pa esaki por duna gracia na esnan cu ta tende.

Mateo capitulo 6 vers 14 +15 ta splica nos cla cu si nos no perdona, Dios tampoco ta perdona nos, un hende cu no ta perdona, no ta crece spiritualmente, ni tampoco un persona cu ta odia no por drenta cielo pasobra bida eterna no ta permanece den dje.

Si bo no ta perdona ta abo mes ta esun prome cu ta sali perhudica, bo tin cu perdona y laga los, for di e cosnan bieuw, pa bo curazon por ta limpi dilanti di Dios. (Colosensenan 3 v 12+13).

Na e momento cu un hende perdona di curazon, su wowo lo habri pa e mira e monton di bendicion cu Dios tin pa su bida. (Lucas 6 v 37 + 1 Juan 1 v 9).

Dios ta Amor.

Paga bo cuenta online ta facil

Sea
Abonnement
of Aviso



Pa hasi pago online pone number y adres na
cuenta di banco RBC Sunmax Printing
account # 7700000100152447

Oracion di dia

Un feliz dia y cu Dios colma boso cu Su bendicion abundantemente

"Mi mester predica e Bon Noticia tocante Reino di Dios den e otro pueblonan tambe, p'ese y a manda Mi!" Lucas 4,43

Hesus a bini na mundo pa siña Su discipelnan tocante e Reino di Dios. Cu Su palabranan Hesus ta proclama binida di e Reino y cu Su actonan E

tawata demostra cu e Reino tey caba y mesora E ta haci un milager di sanacion pa confirma cu berdaderamente e Reino tey. Mescos Hesus ta

spera di cada un di nos cu ta Su discipelnan. Nos ta nada otro cu sirbidonan cu a yega na fe pa medio di Hesus. Nos cada un tin cu haci e trabou cu Dios a duna nos guia pa Spirito Santo. No mag di tin envidia, division, ni pleitamento entre nos pasobra riba nos propio forsa nos niun no por haci nada. Tambe nos tin cu bay na unda Dios manda nos. Nos tur ta compañero den e trabou di Dios y Dios lo sa di recompensa cada un di nos pa e sirbishi den man di Dios. Animo rumannan pa sigui traha den e cunucu di Señor y asina gana alma pa Señor.

Oracion: Hesus nos Gran Maestro, instrui nos pa medio di Bo Spirito Santo y cu Bo luz ilumina nos mente y duna nos sabiduria pa nos por proclama Bo Palabra cu hopi curashi y humildad pa asina nos por ta un instrumento util den man di Señor pa sigui edifica Bo iglesia Amen.



"DUDAS"

Pakiko bo ta duda di mi existencia jen di miedo i temor ta temozabo cuanto biaha mi no a pidi bo confia den mi i asina dunabo tur mi apoyo. Cuanto biaha bo a lubida cu ami tey pa consola bo curason jen di tristesa ora ta orando ami ta sinta mey mey scuchando bo bos pidiendo judansa. Tin biaha mi ta mirabo tur disgusta ni sikiera un bon dia bo ni a dunami pa bo tur cos a bai malo i aki duda a drenta bo curason sin consultami. Mi yiu stima corda cu ami ta Amor mi Paz mi yiu homber a entrega pa kita tur tristesa, miedo i dolor creando speransa pa sigui truinfa. Nunca duda den mi promesanan rikesa i banidad no ta pa eternidad si bo sigui confia den mi palabranan tur bo sonjonan mi lo haci realidad.

" PALABRA DI DIOS."

Duda ta un obstaculo pa ricibi respuesta di nos TATA CELESTIAL.

Mateo 14:31 / Exodo 32:1

Autor: Omaira I.Rodriguez-Britten

Gradicimento
Den number di su yunan kier a gradici tur esnan cu den un manera of otro a duna sosten y consuelo durante e tempo dificil di fayecimento y entiero di nos mama stima:



Helenita Hassell
Kuipers

Danki special na:
su pasa dianan S.T.A. y Hope. , su verzorgster na cas: Ingrid Ras, WGK, su dokternan di cas dr v. Trigt y dr. de Lanoy.
Tambe un gradicimento ta bai na Aurora funeral home pa nan bon servicio.

Clasificados




SOLODIPUEBLO@GMAIL.COM
CEL. 585 9500



GRUPO DI BAILE FOLKLOR SANTA CRUZ

Ta anuncia fayecimento di

Guillermo Bernardo Figaroa

Tata di nos integrantenan di grupo di Baile Folklor Santa Cruz
Mariela, Junny, Fientje y Lito

Nos grupo ta deseanan y demas famia hopi forza den e momento
dificil aki

Cu nos bon Dios tuma "Guillermo" den su reino y pa e sosega na paz




8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

							3	9
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

Sopi di Letranan

U U G U A R D I A J O Y E R O N U T
 O I G M S I D E P E N D I E N T E T
 C X Z E O A T S I C I T E T S E Z K
 I P J A T S I T N E D C N K Z M K L
 S A Z F A A V E W R F R A Y O E N G
 Ú T H U L H M M F P O I A C Q S Z Y
 M S V K M O O E S P R A I I O E G G
 L I O R A V R O C M F D F R H R O Y
 P N R O R K E I T Á É A E U U O J O
 R O E T I H T P S M N B P J U I X G
 E R L I N D N O U T R I C A G O C E
 S C E R E Q I E Q A A R C N R A N O
 I U T C R V P T B L O O G O R V K L
 D T O S O I R E B D C R T T Y N I O
 E O H E L J A Z A I A S E B N E F G
 N F D O D R C N N N A R J K S P V O
 T I T A O J E E J P O R E D E N A P
 E O I T G R R E Z O R E B M O B B S
 W N N R T O R O R E I N E G N I Z U
 Q I C N I O B E C M E B C U Y N T Z
 P O E T A O C A O I R A T E R C E S

- ABOGADO
- BARBERO
- BOMBERO
- CARPINTERO
- CARTERO
- CIRUJANO
- COCINERO
- CRIADA
- CRONISTA
- DENTISTA
- DEPENDIENTE
- ENTRENADOR
- ESCRITOR
- ESTETICISTA
- FLORISTA
- GEOLOGO
- GRANJERO
- GUARDIA
- HOTELERO
- INGENIERO
- JOYERO
- MARINERO
- MECÁNICO
- MÉDICO
- MESERO
- MÚSICO
- PANEDERO
- PASTOR
- PILOTO
- PINTOR
- POETA
- PRESIDENTE
- SECRETARIO



LEY CU TA LIMITA UZO DI PRODUCTONAN DI **TABACO**

PROTEHANDO SALUD PUBLICO

6 Ta prohibi pa vende of duna productonan di tabaco na personanan bou di 21 año

ARUBA LIBER DI TABACO

HALA ROSEA LIBREMENTE